

ԽԱՂԼԱՑԱՎԻ (ԴԻՎԱԶԱՐՈՒԹՅԱՆ) «ԲՈՒԺՈՒՄԸ» ՊԱՐՈՎ

ԺԱՆՅԱ ԽԱՉԱՏՐՅԱՆ

Դորիսի, Սիսիանի, Ղափանի, Մեղրիի և Լեռնային Ղարաբաղի հայերին հայտնի է խաղաղացավ կոչվող մի հիվանդություն, որի բուժման միակ միջոցը եղել է պարո: Հիվանդությունը համարվել է «դիվահարություն»¹ և հայ իրականության մեջ ընդունվել ու գիտակցվել է որպես ոգեպաշտություն՝ անիմիստական հասկացողությունների մնացորդներ, ավելի ուշ՝ վերապրուկներ:

Հայերի² և շատ ժողովուրդների մեջ հիվանդություններ հարուցող ոգիների գոյության տեսությունը³ հավատալիքներում կարևոր և հաստատուն տեղ է ունեցել: Անսահմանափակ թվով ոգիների ընդունումը, դրանցով բռնվածությունը՝ դիվահարությունը, ժողովրդական փիլիսոփայության մեջ պարզություն բերող մի տեսություն է, որը բացատրել է, մի կողմից, հիվանդությունների կատարած ավերածությունները, մյուս կողմից՝ բնության մեջ գոյություն ունեցող բազմաթիվ անհասկանալի երևույթներ: Մարդու մարմինը որպես ոգիների բնակատեղ հայտնագործմամբ⁴ ոգեպաշտությունը հասել է իր գագաթնակետին, նոր ճանապարհներ են բացվել նաև հիվանդություններ հարուցող ոգիների առջև: Մարդը սկսել է այնպես հավատալ իր իսկ ստեղծած ոգուն, որ նրան տվել է անուն, անհատականություն, արտաքին կերպարանք, և ենթարկվել նրա կամքին⁵: Նրանց անունից գուշակություններ է արել, ցանկություններ հայտնել և այդ ամենը վերածվել է թատերականացված գործողությունների: Մինչև հիմա էլ Ցեյլոնում Ցալու Նա-տալավա կոչվող ծիսական արարողության ժամանակ երթի գլխավոր մասնակիցներից մեկը տասնութ հիվանդության դիմանկարը կրող դերակատարն է, որը սլարելու և ներկայացնելու հատուկ պարտականություններ ունի⁶:

Հնագույն ժամանակներից բազմաթիվ տեղեկություններ կան հիվանդություններ հարուցող ոգիների, նրանցով բռնվածության, այսինքն՝ դիվահարության մասին: Առաջին տեղեկությունները պատկանում են ասորա-բաբելական նշանագրերին: Հոմերոսը վկայում է, որ Հին Հունաստանում գոյու-

1 Մ. Արեղյան, Երկեր, Ա, Երևան, 1966, էջ 29: Մ. Արեղյանը հիվանդությունն անվանում է հանդեսը, քաջակալ, քաջակոխ, որոնք, ըստ էության, համապատասխանում են դիվահարության բովանդակությանը: Հայտնի են նաև այսահարություն, շարոց, ընկնավորություն տերմինները (Ամատունի, Բառուբան, Վաղարշապատ, 1912, էջ 540):

2 Մ. Արեղյան, նշվ. աշխ., էջ 29:

3 Э. Тейлор, Первобытная культура, М., 1939, с. 352.

4 Л. Я. Штернберг, Первобытная религия, Л., 1936, с. 233—234.

5 Э. Тейлор, նշվ. աշխ., էջ 353:

6 А. Д. Авдеев, Происхождение театра, М.—Л., 1959, с. 146. Հայերը ևս հիվանդություններ հարուցող ոգիներին պատկերացրել են որպես երաժշտության, երգ ու պարի մեծ սիրահարներ (Մ. Արեղյան, նշվ. աշխ., էջ 155):

թյուն են ունեցել դիվահարությունից առաջացած հիվանդություններ, որոնք ընդհանուր անունով կոչվել են էպիլեպսիա: Սովորապես դեբրի ժխտումը հենց դիտել է իբրև դիվահարություն, իսկ հոմեոպաթիք խելագարներին համարել են «ոգիներով լցվածներ»⁷:

Քրիստոնեության ընդունման վաղ շրջանում դիվահարության գաղափարն ավելի է խորացել⁸: Հոգևոր հնադույն գրքերում դիվահարների մասին բազմաթիվ տեղեկություններ կան, որոնց համաձայն նրանք պետք է արժանանային հատուկ վերաբերմունքի և եկեղեցական հսկողության: Հիվանդությունը համարվել է սուրբ կամ հրաշալի⁹: Քրիստոնեության տարածման հետ հոգեկան հիվանդությունները որպես դիվահարություն հիմնավորապես ընդունվել ու տարածվել են Նվրոպայում¹⁰: Հոգևոր գրքերում և Աստվածաշնչում հաճախ կարելի է հանդիպել շարքերով ու քաջքերով բռնվածների բուժման նկարագրության և նկարների (տե՛ս նկարը): Արևելքում այն կարծիքն էր



Դիվահարության բուժումը պարով (Մատենադարան, ձեռ. № 7651, էջ 84ր):

տիրում, որ այդպիսի հիվանդներին պետք է սիրաշահել ու հարգել¹¹, որովհետև նրանց մեջ դեեր են նստած¹², Հնդկաստանում¹³, Ցեյլոնում, Մալայան

7 Э. Тейлор, *нշվ. աշխ.*, էջ 359.

8 Նույն տեղում, էջ 359—360.

9 Լ. Ա. Հովհաննիսյան, *Կրոնք և բժշկությունը, Երևան, 1954*, էջ 22.

10 В. М. Банщикова, Т. А. Незорова, *Психиатрия*, М., 1969, с. 9.

11 Նույն տեղում:

12 Э. Тейлор, *нշվ. աշխ.*, էջ 355—356.

13 Նույն տեղում:

կղզիներում¹⁴, նոր Զեւանդիայում¹⁵, Աֆրիկայում, Ավստրալիայում և Ամերիկայում¹⁶ վաղուց ընդունվել է դիվանարութեան տեսութիւնը: Դիվանարութիւնը բուժելու ամենաուժեղ միջոցներից մեկը ժողովուրդը համարել է պարս: Գաղափարն առաջացել է այն մտածողութիւնից, թե պարել ոգու կերպարանքով՝ նշանակում է նրան ենթարկել իր ազդեցութեանը¹⁷:

Եվրոպայի պատմութեանը հայտնի են դիվանարութիւնը պարով բուժելու բազմաթիւ փաստեր: առաջինը վերաբերում է 1237 թ.: 1374—1410 թվականների եվրոպայում մոլեգնող ժանտախտի ժամանակները հայտնի են որպէս խելագար պարերի համաճարակի շրջան¹⁸: Ժանտախտից փրկված մարդկանց ներվային համակարգի խախտման պատճառով հիստերիայի և էպիլեպսիկ հիվանդութիւնների մեծ ալիք էր բռնկվել, որի վերացմանը ինչ որ շահով կարող էին օգնել հուզական ուժեղ ցնցումները: Այդպիսի ցնցումներ առաջացնում էին խելահեղ պարերը: Այդ էր պատճառը, որ միջնադարում հիստերիկները, էպիլեպսիկները, դիվանարվածները մեծ ամբողջով, փրփուրը բերաններին, աչքերն արնակալած, երաժիշտների ուղեկցութեամբ, խելագար պարով անցնում էին քաղաքից քաղաք, թավալվում գետին, պահանջում իրենց ծածկել շղթաներով, զարկվում էին պատերին մինչև ուժասպառ լինելը¹⁹: Նմանօրինակ մի համատարած դեպք գրանցվել է նաև Շվեյցարիայում 1861 թ.: XIV դ. սկսած եվրոպայում տարածված այս հիվանդութիւնը ստացել է «պարացվածութիւն» կամ «պարային խելագարութիւն» անունը: Իտալիայում այն կոչվել է «մորմացված»²⁰: Մինչև օրս էլ շատ երկրներում հայտնի է պարով բուժումը (էկզորցիզմը)²¹:

Պարով, երաժշտութեամբ և նման միջոցներով դիվանարութեան դարմանումը գտնվել է քրմերի, ավելի ուշ հոգևոր դասի հատուկ ներկայացուցիչների իշխանութեան տակ: Նրանք եղել են ներվային ուժեղ համակարգի և հոգեկան կառուցվածքի տեղ մարդիկ, որոնք, թմբեցնող դեղերի օգնութեամբ գրգռվելով, «բանակցութիւնների ու փոխհարաբերութիւնների» մեջ են մտել հիվանդութեան դեբրի հետ և խնդրելու, համոզելու, շար հմայութեան ու բանադրանքի օգնութեամբ²² «դուրս են քաշել» նրանց մարդկանց միջից²³: Ազգագրագետներից շատերի կարծիքով այդ անհատների հիմնական պարտականութիւնը հենց դեբրին ու շարքերին մարդկանց միջից հանելն էր²⁴, որը կատարվում էր բնական արվեստի մեծ տաղանդով²⁵:

¹⁴ Նույն տեղում, էջ 354:

¹⁵ С. А. Токарев, Религия в истории народов мира, М., 1963, с. 32.

¹⁶ Э. Тейлор, *նշվ. աշխ.*, էջ 355—356:

¹⁷ А. Д. Авдеев, *նշվ. աշխ.*, էջ 144:

¹⁸ С. Н. Худеков, История танцев, т. II, СПб., 1914, с. 58.

¹⁹ Նույն տեղում, էջ 68:

²⁰ Նույն տեղում:

²¹ А. Вельская, Изгоняют злых духов («Литературная газета», 18.VI, 1975).

²² Այս միջոցը հայտնի է նաև հայերին (Ս. Հարութիւնյան, Անեծքի և օրհնանքի ժանրը հայ րանայութեան մեջ, Երևան, 1975, էջ 121):

²³ В. Т. Богораз-Тан, Чужичи, т. II, Л., с. 83, 121.

²⁴ С. А. Ратнер—Штернберг, Музейные материалы по тлингитскому шаманству («Сборник Музея антропологии и этнографии», Л., 1927, с. 85).

²⁵ В. Н. Харузина, Примитивные формы драматического искусства («Этнография», 1928, №1, с. 36—41, 486).

Դեռևս V դ. դիվազարություն հիվանդության մասին վկայել է Եզնիկ Կողբացին: Միջնադարյան բժշկարաններում²⁶, եկեղեցական գրքերում ու համայնիներում²⁷ կան նկարներ ու վկայություններ դեբրի, տարբեր անուններ կրող շար ու բարի ոգիների (շեղարք, ճիվաղք, շվոդք, ալք, թպղա, քաջք, շարք և այլն), նրանց պատճառած վնասների ու կոնկրետ հիվանդությունների մասին: Քիչ չեն նրանցից զանազան միջոցներով ազատվելու, պաշտպանվելու և բուժվելու առաջարկները: XIII դ. Կիրակոս Գանձակեցին նկարագրում է դիվազարվածի պարով բուժումը ոմն Դավթի կողմից՝ Ամբերդի մոտերքում²⁸:

Հայ ազգագրության մեջ ծիսական պարերը պահպանակներ են դարձել հարսանեկան և այլ արարողությունների ժամանակ²⁹, իսկ պարով ու երաժշտությամբ դիվազարությունը դարձանելու գաղափարը³⁰ հայ ժողովրդական մտածողությամբ հնուց համարվել է բնական ու կենցաղային երևույթ: Ազգագրության³¹ և գեղարվեստական³² գրականության մեջ դիվազարությունը բնութագրվում է քրշկուտված, ցավաքյար, քրջքոտված, խաղաղացավոտ, խրդաղացավոտ տերմիններով: Ըստ Ստ. Մալիասյանի, խաղաղացավ նշանակում է պարելու, խաղալու ցավ՝ մի հիվանդություն, որով բռնվածը ուզում է անընդհատ պարել³³:

Մեր իրականության մեջ, հատկապես Զանգեզուրում³⁴ ու Ղարաբաղում, խաղաղացավի արմատներն այնքան խորն են եղել, որ պահպանվել են մինչև XX դ. առաջին կեսերը³⁵: Ըստ եղած տեղեկությունների, հիվանդությունը և նրա պարով բուժելու մտածողությունը նորոգվել ու տարածվել է հատկապես քառասնական թվականներին, Հայրենական պատերազմից առաջ, պատերազմի տարիներին և հետպատերազմյան ժամանակաշրջանում: Հիմա էլ այդ շրջաններում պարել շատ սիրողներին կատակով անվանում են «խաղա-

26 Ա. Ա. Կ ժ ո յ ա ն, Բժշկագիտությունը Հայաստանում XI—XIV դարերում, Երևան, 1968, էջ 396, Մատենադարանի № 8382 ձեռագրի 69ր էջում նկարագրվում է ընկնավորի, ուխտավորի հիվանդության ընթացքը:

27 Մատենադարանում պահվող ՁՁ 24, 36, 42, 58, 67, 79, 86, 116, 127, 262 և այլ համայնիներում:

28 Կ ի Ր ա կ ո ս Գ ա ն ձ ա կ ե ց ի, Պատմություն հայոց, աշխատասիրությամբ Կ. Ա. Մ ե լ ի ք-Օ հ ա ն չ ա ն յ ա ն ի, Երևան, 1961, էջ 322, 324:

29 Србуи Лисидиан, Старинные пляски и театральные представления армянского народа, т. I, Ереван, 1958, с. 130, Ժ. Կ. Պ ա չ ա տ Ր յ ա ն, Զավաթի հայ ժողովրդական պարերը (սնուֆեր հայ ազգագրության և բանահյուսության), հ. 7, Երևան, 1975, էջ 47, 73), «Традиционные свадебные пляски армян» («Советская этнография», 1975, № 2, с. 87), Э. Х. Петросян, Ж. К. Х а ч а т р я н, Собрание произведений армянского танцевального фольклора («Советская этнография», 1965, № 1, с. 155).

30 Գ ա Ր ո լ չ Գ ա ս պ ա Ր յ ա ն, Ժողովրդական բժշկությունը հայ բանահյուսության և դիցաբանության մեջ (ՀՍՍՀ ԳԱ «Լրաբեր», 1978, № 1, էջ 86):

31 Տ. Ն ա վ ա ս ա Ր զ յ ա ն, Հայ ժողովրդական հեքիաթներ, դիրք 7, Թիֆլիս, 1891, էջ 27:

32 Ա կ ս ե լ Բ ա կ ու ն ց, Երկեր, հ. 1, Երևան, 1976, էջ 107—112:

33 Ս տ. Մ ա լ ի ս ա յ ա ն, Հայրենի բացատրական բառարան, Երևան, 1944, հ. II, էջ 232, խաղաղացավ:

34 Ս տ. Լ ի ս ի ց յ ա ն, Զանգեզուրի հայերը, Երևան, 1969, էջ 289:

35 Ն ու թ ն տեղում, էջ 288—289:

ցավոտ»³⁶ կամ «բըշկուտված»³⁷ Մարդկանց դիտողությունն անելիս ասում են. «Ի՞նչ է, խաղաղացավ ե՞ս ընկել»³⁸։ Խաղաղացավը համարվել է անպատվաբեր ու վիրավորական, որի պատճառով էլ հիվանդությունը գաղտնի է պահվել բարեկամներից ու ծանոթներից։

Խաղաղացավի հարուցիչը համարվել է մի անանուն որդ, որը մարդու «մարմինն ընկնելով» անվերջ շարժվել է, մեկ մտել ծնկան մեջ, մեկ էլ բարձրացել դեպի վեր՝ «սրտի տակ»³⁹։ Հիվանդը գանգատվել է մարմնի ցավերից, ոսկորների կոտրատվելուց⁴⁰։ Խաղաղացավոտը ծափ տալու, երգելու (բայաթի կանչելու), պարելու, լաց լինելու և ողբալու ցանկություն է ունեցել⁴¹։ Հիվանդությունն առաջացել է վախից, գիշերով ճանապարհ կամ մթնով ջրի գնալուց⁴², մրսելուց, վշտից, հոգեկան ծանր ապրումներից ու ցնցումներից⁴³։ Ոմանք խաղաղացավը հեշտությամբ տարբերել են այլ հիվանդություններից, իսկ և՛ թե դժվարացել են, ապա ստուգել են ավելի բացահայտ միջոցներով։ Նախ հետևել են՝ եթե երաժշտություն լսելիս հիվանդն ինքնակամ ուլարել է, ապա նրան համարել են խաղաղացավոտ։ Բայց պատահել է, որ հիվանդը դարձել է մեղանխուրիկ, ինքն իր հետ խոսել է, մարդկանցից խուսափել, էպիլեպսիայի նույնանք ունեցել։ Այդպիսի դեպքերում որոշացել են մի կաշաղակ և տաք վիճակում կապել հիվանդի թևին, եթե թեղ սեղացել է, ապա հիվանդությունը հաստատվել է⁴⁴։ Խաղաղացավը հիմնականում համարվել է կանանց հիվանդություն, բայց եղել են նաև տղամարդկանց ու երեխաների հիվանդանալու դեպքեր։ Դիվահարվածին բուժելու պարեցնելու ընթացքում, տան դռան առաջ, շեմքի լայնությամբ մետաղյա օղակավոր հաստ շղթա են դրել, որպեսզի պատահաբար ներս մտնողը «չբռնվի» հեռացող շարժերով կամ զրսից ներս եկողի հիվանդությունները չփոխանցվեն մյուսներին⁴⁵։ Շղթան հիվանդության և շար ոգիներին բռնելու ժողովրդա-

³⁶ Հնագիտության և աղագրության ինստիտուտի բանահյուսության բաժնի ադիսիվ, պարավեստի ֆոնդ (այսուհետև՝ ՀԱԻՔԱ ՊՖ)։ Տե՛ս Սիսիանի շրջանի Ախլաթյան գյուղի բնակիչ՝ Թամոն Գալուստի խաղաղացավի վկայությունը։

³⁷ ՀԱԻՔԱ ՊՖ, Մարդակերտի շրջան, Հաթիրք գյուղից Մաշի Պետրոսյանի վկայությունը։

³⁸ Նույն տեղում, տե՛ս Գորիսի շրջանի Վերիշեն գյուղի բնակիչ՝ Գուրգեն Օրդյանի վկայությունը։

³⁹ Ա կ ս ե լ Բ ա կ ու լ թ, Երկեր, հ. 1, էջ 85, Գ ա ռ ու շ Գ ա ս պ ա լ յ ա ն, Նշվ. հոգվ., էջ 86։

⁴⁰ ՀԱԻՔԱ ՊՖ, Ղափանի շրջանի Արծվանիկ գյուղի բնակիչ Մանուշարյան Արեհատի և Գորիսի շրջանի Վերիշեն գյուղի Ղուռնաշի Գ. Օրդյանի վկայությունները։

⁴¹ Ս ա. Լ ի ս ի ջ յ ա ն, Նշվ. աշխ., էջ 289։

⁴² А. А. Одабашян, Народные верования армян («Кавказский этнографический сборник», т. IV, 1976, с. 117). Ժողովրդական հավատալիքների համաձայն ոգիներն այրում են ջրերի հատակում, փերին, տան անկյուններում, դռների ետևում և գոմերում։

⁴³ ՀԱԻՔԱ ՊՖ, Մեղրիի շրջան, Լեհվազ գյուղից Հովսեփյան Պետրոսի վկայությամբ մարդիկ զգուշանում են, որ «կարովը քար չգցեն», թե չէ խաղաղացավով կհիվանդանան։

⁴⁴ Նույն տեղում, Գորիսի շրջանի Վերիշեն գյուղից Գուրգեն Օրդյանի և Մեղրիի շրջանի Ագարակ գյուղից Ազավելոց Համբարձումի պատմածները։

⁴⁵ ՀԱԻՔԱ ՊՖ, Մեղրիի շրջանի Լեհվազ գյուղից Գոհար Ասլանի Գարրիելյանի վկայությունը։ Մ. Արեղյան, Նշվ. աշխ., էջ 37, 154, Ա մ ա տ ու լ ի, Նշվ. աշխ., էջ 540։ Մետաղն ու շղթան պահպանակ են համարվել շատ ժողովուրդների մոտ, իսկ դիվահարվածին ճիշտ նույն ձևով բուժելը ընդունված է եղել նաև ուլգուրների, բաշկիրների ու չերեքների մոտ, И. И. Лепехин, Продолжение записок путешествия по разным провинциям Рос-

կան մտածելակերպի արտահայտություն է, որը լայնորեն գործածվել է կենցաղում, ապա և ցանցի, շրջանագծերի, օղակների ու վանդակների ձևով տեղ գտել համայնիկներում:

Դիվահարության բուժումը կատարել են աշնանը, ասելով, թե «ցուրտն ընկնելիս որդն սկսում է շարժվել»: Տարեց կանայք, հիվանդի հարազատները հավաքվել են ու սկսել պատրաստությունները, մորթել են կով, եզ կամ մի քանի ոչխար, հաց թխել: Ապա պատգամավոր են ուղարկել երաժիշտների, հատկապես զուռնաչիների⁴⁶ մոտ՝ խաղացավի բուժման համար նվազելու առաջարկով: Բոլորին չէ, որ հրավիրել են, և բոլորը չէ, որ համաձայնվել են գալ: Եղել են հատուկ համբավավոր զուռնաչիներ, որոնց նվագը միայն կարող էր բուժիչ լինել: Այդպիսի զուռնաչիները հազվադեպ են հրաժարվել, որովհետև դա համարվել է պատվավոր ու բարի գործ: Սովորաբար հրավիրել են երաժիշտների առնվազն երկու խումբ, որպեսզի հոգնելիս փոխարինեն իրար: Խաղացավի բուժման համար նվագելը վճարովի չի եղել, բայց բարձր է գնահատվել (թանկարժեք նվերներ են տվել): Հրավիրել են նաև լարկան՝ ողբասաց կանանց, երկու կամ երեք լավ պարող, ուժեղ տղամարդ, հարևաններին ու մոտ ազգականներին: Կահույքից ազատված տան դռներն ու օդանցքներն ամուր փակել են և զուռնաչին սկսել է դանդաղ ու տխուր պարեղանակներ նվագել: Տան մի անկյունում անկողնու մեջ պառկած հիվանդն անհանգստացել է: Լալկան կանայք սկսել են իրենց ողբը: Պարող տղամարդիկ օգնել են հիվանդին վեր կենալու և պարելու: Ըստ ականատես ասացողների, հիվանդն աստիճանաբար տրամադրվելով պարի՝ դանդաղ տեմպն արագացրել է, ուրիշ փոխել և անընդմեջ պարել: Խաղացավի բուժման հատուկ պարեր ու պարեղանակներ չեն եղել. պարը կազմվել է սովորական պարաքայլերի էլեմենտներից: Պարելու ժամանակ հիվանդին թույլ չեն տվել ո՛չ թռչկոտել, ո՛չ էլ նստել⁴⁷ (չաթմա զարկել): Եղել են պարեղանակներ, որոնց ուրիշ փոխելով, նվագել են խաղացավի բուժման ժամանակ, խաղացավի պարեղանակները տարբերվել են հարվածային գործիքների վրա զարկվող յուրահատուկ ուրիշով:

Խաղացավի բուժման ժամանակ թե՛ նվագողները, թե՛ պարողները, թե՛ ողբացող կանայք ժամանակ առ ժամանակ հանգստացել են, իսկ հիվանդին թույլ չեն տվել հանգստանալու, որովհետև, ժողովրդի կարծիքով, հոգնեցնելով հիվանդին՝ հոգնեցրել են և հիվանդության հարուցիչին, որը բնակվել էր մարդու մեջ որպես կենդանի էակ⁴⁸: Միայն երբեմն (օրը երեք անգամից ոչ ավելի) կարճ ժամանակով պառկեցրել են և թեթև կերակրել: Եթե հիվանդն ուժասպառ է եղել, ապա նրան պառկեցրել են կարպետի մեջ⁴⁹ և օրորել ևրաժշտության ուրիշով: Եթե դա էլ չի օգնել, կիրառել են ավելի «ուժեղ» միջոցներ: Նախ աստիպել են ավելի արագ և խելահեղ պարել, հետո՝ ուժասպառ

сийского государства в 1770 г., СПб., 1802, с. 73—76; Л. И. Нагаева, Башкирские народные танцы (автореферат кандидатской диссертации, М., 1977, էջ 73), «Մուսա լեռան ժողովրդական հեթիթներ», Բելուրթ, 1973, էջ 682—683:

⁴⁶ Ստ. Լիսիցյան, նշվ. աշխ., էջ 289:

⁴⁷ ՀԱԻԲԱ ՊՅ, Ղափանի շրջանի Արծվանիկ գյուղից Սեդրակ Սահակյանի (զուռնաչի մախշու հետ զարկող նաղարաչի) նյութերը:

⁴⁸ Ստ. Լիսիցյան, նշվ. աշխ., էջ 289:

⁴⁹ ՀԱԻԲԱ, Ս. Վարդանյանի նյութեր:

լինելիս, գցել են գետնին, խփել պատերին, երակներից, ջրերից, փափուկ մսերից բաշել, մատները, ոսկորները կոտրատել: Զուռնաշինները զուռնան դրել են հիվանդի ականջներին, իսկ դճուրը դլխին և ամբողջ ուժով զարկել են ու փշել: Միաժամանակ լալկան կանայք բարձրաձայն ողբացել են, դռացել, Լրևանը շանգոտեց⁵⁰: Բոլորը համոզված են Լոբի, որ ծեծում, շարշարում ու տանջում են ոչ թե հիվանդին, այլ նրա մեջ բուն դրած որդին՝ շար ոգիներին կամ դեկրին: Հենում, այս ամենի հետ միասին, օդանցքները փակած բնակարանում աթար են ծխեցրել՝ վրան դառնահոտ, կծու յուղեր լցնելով: Նպատակն այն էր, որ հիվանդը շատ արցունք թափեր, փռշտար ու հազար, որպեսզի հիվանդությունը «թափվեր», դուրս գար: Առողջանալու նախանշան համարվել է այն, որ հիվանդը սկսել է գանգատվել ձեռքերի, ոտքերի, գլխի ցավից և մրսելուց: Բուժման արարողությունը տևել է երկուսից յոթ օր ու դիշեր: Եթե հիվանդը չի առողջացել, ապա նույնը կրկնել են տարին մեկ անգամ:

Ամբողջ գործողության ընթացքում կարևոր է համարվել զուռնաշու, հիվանդին պարել օգնող տղամարդկանց ու ողբասաց կանանց դերը, որոնք, հավանաբար, հին քրմերի վերափոխված ժառանգներն են, որոնց ֆունկցիաները սահմանափակվել են արարողությունը ղեկավարելու, գործողությանը տոն տալու և օգնելու պարտականությունների մեջ:

Բժշկությանը հայտնի է, որ հոգեկան որոշ խանգարումներ ուժեղ ցնցումների արդյունք են, և երբեմն դրանք կարգավորվում են նոր, ավելի ուժեղ ցնցման միջոցով: Տվյալ դեպքում երկար ու համառորեն պարելը կարող էր նոր ավելի ուժեղ ցնցում առաջացնել և վերականգնել նյարդային համակարգում տեղի ունեցած խանգարումները: Այս մեթոդը նյարդային և հոգեկան հիվանդությունների բուժման շատ հին ձև է և իր մեջ պարունակում է մյուս զոթերապիային անհրաժեշտ մի գործոն. այն է՝ հիվանդին պատասխիվ վիճակից դնել խիստ ակտիվ ու հուզական հոգեվիճակի մեջ, ապա տրամադրության բարձրացման ու ներշնչման օգնությամբ վերականգնել հավասարակշռությունը⁵¹:

Նրանք բազմաթիվ տեղեկություններից կարելի է ենթադրել, որ խաղաղավ հիվանդության մի տեսակ են համարվել նաև ունեմտիկ, ոսկրային հիվանդությունները⁵²: Պարից մարդու հողերը տաքացել են, դրան գումարվել է ներքին հավատքը և հիվանդին թվացել է, թե տեղի է ունենում ցավերի մեղմացում:

Հայ իրականության մեջ ներկայումս շարքերով բռնվածությունը դիտվում է որպես սահմանափակ մտածողություն, որն աստիճանաբար նահանջել է, և բժշկության զարգացման ու կիրառության շնորհիվ իր տեղը զիջել

⁵⁰ Զար ուժերին հեռացրել են սպանալիքների, ճիշերի և աղմուկի միջոցով: Բուժման մեթոդ է համարվել նաև մասածը, կտրումներն ու արյան առումը (Լ. Ա. Հովհաննիսյան, նշվ. աշխ., էջ 13): Ղարաբաղում վամթում են դալադը՝ թիկունքի երկու շիկերը: Այս մասին վկայում է հնագիտության և ազգագրության ինստիտուտի ավագ լաբորանտ Ժաննա Բոգդանյանի հուշերը:

⁵¹ Գարո 2 Գա սպարյան, նշվ. հոդվ., էջ 86:

⁵² Գորիսի շրջանի վերին գյուղի բնակիչ Գուրգեն Անդրեյի Օրդյանի վկայությամբ հիվանդությունը նման էր ունեմտիկի:

գիրաբլիշանը: Թեև դեռևս բուժումը հիշողություն ձեռք պատմվում է ու նույնիսկ երբեմն անաշարկվում է մեթոդի նորաբանությունը, սակայն շրջապատի նորմանը այն չի ենդունվում:

«ИСЦЕЛЕНИЕ» ХАГЛАЦАВА (ОДЕРЖИМОСТИ) ПЛЯСКОЙ

ЖЕНЯ ХАЧАТРЯН

Резюме

Одержимость человека издавна рассматривалась как обычное явление. Поскольку причиной болезни считалось влияние духов, то наилучшим средством избавления от нее было их изгнание. С этой целью устраивались «празднества», сопровождаемые музыкой и танцами, с помощью которых колдуны, шаманы, прорицатели и жрецы изгоняли духов. Эта болезнь у армян получила название «хаглацав» (плясома-ния), болезнь, которая лечится с помощью танцев (от армянских корней *խաղ* («хаг») — пляска и *ցավ* («цав») — болезнь).

Изучение «хаглацава» приводит к выводу, что попытка исцелить одержимость пляской восходит к анимистическим представлениям, связанным с почитанием души.